

laßen hengen, der do gegeben ist noch Cristi geburt tusent virhundert dar noch in dem czweyvndefunffezigistim iare am dornstage noch dem sontage Cantate.

Nach dem Stadtbuch fol. 267<sup>b</sup> im Rathsarchiv zu Leipzig.

No. 287. 1452. 24. Mai.

*Thaddäus Abt des Schottenklosters zu Erfurt spricht gegen Bürgermeister und Rätthe, welche in den in Klagsachen D. Johannis von Allenblumen angesetzten Terminen ungehorsamer Weise nicht erschienen sind, den Kirchenbann aus und belegt die Stadt mit dem Interdict.*

Thadeus dei gratia abbas monasterii sancti Jacobi Scotorum Erffordensis ordinis sancti Benedicti Maguntinensis diocesis iudex et conservator iurium privilegiorum libertatum rerum et bonorum venerabilium virorum dominorum magistrorum doctorum atque scholarium almae universitatis studii ibidem una cum certis nostris in hac parte collegis cum clausula ‚Quatenus vos vel duo aut unus vestrum‘ etc. a sacrosancta generali synodo Basiliensi dudum ante protestationem animorum (sic) dominorum principum sacri Romani imperii electorum factam specialiter deputatus universis et singulis dominis abbatibus prioribus praepositis decanis scolasticis cantoribus canonicis tam cathedralium quam collegiatarum ecclesiarum divinatorumque rectoribus presbyteris curatis et non curatis clericis notariis et tabellionibus publicis quibuscunque per civitatem et diocesim Merseburgensem et praesertim divinatorum rectoribus in Lipczk ceterisque requisitis salutem in domino et mandatis nostris huiusmodi imo verius dictae synodi firmiter obedire. Quia eximius vir dominus Jacobus Stendal in medicinis doctor, Johannes Tummel, Petrus Schober, Henricus Pruser, Michael Ylburg, Jacobus Muller, dictus Wolkensteyn, dictus Nuinhofer, Johannes Apotecarius, Laurentius Buderniß, Johannes Vischer, Petrus Stenger, Nicolaus Burburger, Conradus Pruser, dictus Kraz, Johannes Knappe, Johannes Nopel, item eximius vir dominus Johannes Murer doctor in medicinis, Martinus Bresenicz, Nicolaus Muller, Johannes Sontag, Ludeke Sontag, Nicolaus Heyneman, Theodericus Kulkewicz, Asmus Rucken, Johannes Koling, Johannes Lang, Henricus Winter, Johannes Marschalk, Henricus Furster, Petrus Pasern aurifaber omnesque et singuli consules et proconsules totaque communitas opidi Lipczk dudum a nobis citati et moniti pro censibus debitis et retardatis ad instantiam venerabilis et egregii viri domini Johannis de Allenblumen decretorum doctoris vicedomini Erffurdensis coram nobis in termino citationis non comparere nec intra terminum monitionis tunc in litteris nostris expressum nostris parere mandatis curarunt, fuimus in termino monitionis huiusmodi instantia procuratoris dicti actoris legitime requisiti, [ut] processum nostrum contra reos praefatos protendere et citationem ad valvas ut moris est ad dicendum contra commissionem nobis factam decernere dignaremur. Decernentes hanc siquidem nobis [factam] petitionem actoris iustam et rationi consonam reproductaque eadem in termino eius legitime executam nunctio nostro ad hoc iurato referente, ad importunam instantiam procuratoris praefati in contumaciam reorum nihil dicentium verbo vel in scriptis contra litteras nostras praedictas earundem executionem nec non